

ՄԵԾ ՀԱՅՔԻ ՄՈԿՔ ԱՇԽԱՐՀՆ ԸՍՏ «ԱՇԽԱՐՀԱՑՈՅՑԻ»

Բ. Հ. ՀԱՐՈՒԹՅՈՒՆՅԱՆ

Մոկքը եղել է Մեծ Հայքի ամենափոքր աշխարհը: «Աշխարհացույցի» տվյալների համաձայն վարչականորեն 9 գավառների բաժանված նրա տարածքը զգալի չափով զիջում էր Մեծ Հայքի առավել մեծ գավառների տարածքին¹: «Աշխարհացույցի» քննությունը համոզիչ ցույց է տալիս, որ ի տարբերություն Մեծ Հայքի մյուս աշխարհների, Մոկքի վարչական ձևավորումը տեղի ունեցավ անհամեմատ ուշ, ամենայն հավանականությամբ III դարից ոչ շուտ: Մոկքը չի հիշատակվում Կլավդիոս Պտղոմեոսի՝ Մեծ Հայքի նկարագրության մեջ, որը մեր կարծիքով խոսում է նրա, որպես աշխարհի, դեռևս չձևավորված լինելու մասին մ. թ. II դարի կեսերին²: Համաձայն VI դարի բյուզանդական պատմագիր Պետրոս Պատրիկիոսի հաղորդած տեղեկությունների, Հռոմը Մծբնի 298 թ. քառասնամյա հաշտության պայմանագրով Պարսկաստանից, ի թիվս այլ երկրամասերի, ստացավ 5 նահանգներ՝ Անգեղառունը, Մոկքը, Աղձնիքը, Կորդուքը և Մավդեքը³, որոնք, հանդիսանալով հայկական երկրամասեր, III դարում միացվել էին Սասանյան Պարսկաստանին, հավանաբար հայոց խոսքով II թագավորի եղբրական սպանությունից հետո: Դատելով Մծբնի պայմանագրի բովանդակությունից, իրավաբանական այդ վիճակը ճանաչվել էր ոչ միայն Մեծ Հայքի պարսից ազդեցության ոլորտում գտնվող արքունիքի, այլև հռոմեացիների կողմից, որովհետև 297 թ. հայ-հռոմեական զորքերի պարսից դեմ տարած հաղթանակից հետո, երբ վերականգնվեցին հայկական թագավորության սահմանները, Մծբնի բանակցություններում նրանք վերոհիշյալ երկրամասերը Մեծ Հայքի թագավորության մասեր չէին դիտում⁴: Մծբնի հաշտության պայմանագրի կնքումից շատ չանցած, Հռոմը անդրտիգրիսյան⁵ այդ 5 երկրամասերը հանձնեց Մեծ Հայքի թագավորությանը⁶, որոնց պատկանելությունը Մեծ Հայքի թագավորությանը հարցականի տակ դրվեց միայն 65 տարի անց, 363 թ. «ամոթալի հաշտությամբ», որը կնքվեց Հռոմի և Պարսկաստանի միջև Հուլիանոս կայսեր դեպի Տիգրոն կատարած անհաշող արշավանքից հետո: Հաղթանակած պարսից արքա Շապուհ II-ը հաշտությամբ ստացավ Աղձնիքը, Մոկքը, Մավդեքը, Ռեհիմենեն և Կորդուքը⁷: Ամիանոս Մարկեդոնիոսի պատմությունը գործն այնպես է մատուցում, որ և՛ 298, և՛ 363 թվականներին

¹ Ս. Տ. Երեմյան. Հայաստանը ըստ «Աշխարհացույցի»-ի. Երևան, 1963, էջ 116—120:

² Claudii Ptolemaei Geographia, e codicibus, recognovit. prolegomenis, annotati one, iudiciibus, tabulis Instruxit Carolus Müllerus. Voluminis primi, pars secunda Parisiis, 1901, p. 931—951.

³ Petrus Patricius. Fragm. 14 (Dindorf, Historici graeci minovis, I, էջ 443):

⁴ Բ. Հարությունյան. Մեծ Հայքի թագավորության հարավ-արևմտյան երկրամասերի վարչաքաղաքական կացությունը III դարի վերջին և IV դարի սկզբին.—«Բանբեր Երեվանի համալսարանի», 1982, № 2, էջ 82—83:

⁵ Անվանումը ճիշտ է մասամբ, որովհետև Մավդեքը գտնվում էր Տիգրիսի աջ ափին:

⁶ Բ. Հարությունյան. նշվ. աշխ., էջ 80—81:

⁷ А м м и а н М а р ц е л л я н. История, перевод с латинского проф. Ю. А. Кулаковского. Вып. II, Киев, 1907. XXV, 7, 9:

խոսքը գնացել է միևնույն երկրամասի մասին⁸։ Սակայն, ինչպես իրավա-
ցիորեն նշում է Ն. Աղունցը, Սասանյան Պարսկաստանը 363 թ. վերադարձրել
էր 298 թ. կորցրած 5 երկրամասերից միայն 3-ը՝ Աղձնիքը, Կորդուքը և
Մավդեքը։ Նշանավոր հայագետի կարծիքով Անգեղտունը և Ծոփքը մնացել
էին հռոմեացիներին⁹։ Դժվար է հաստատապես ասել, թե վերջին երկու նա-
հանգները անցնել էին Հռոմին, թե՞ ոչ, քանի որ ոչ միայն Ամիանոսի պատ-
մությունը, այլև մյուս սկզբնաղբյուրները ոչինչ չեն հայտնում այդ մասին։
Սակայն մի բան պարզ է, որ նրանց փոխարեն Հռոմը պարսիկներին զիջեց
հայկական երկու այլ երկրամասեր՝ Մոկքը և Ռեհիմենեն¹⁰։ Գյուտերբուքը,
Հ. Հյուբշմանը, Ն. Աղունցը և Հ. Մանանդյանը այն կարծիքն են հայտնել, որ
298 թ. հռոմեացիները ստացել էին ոչ թե 5, այլ 7 երկրամասեր, որոնցից
սոսկ 5-ն էին 363 թ. վերադարձրել պարսիկներին¹¹։ Ըստ որում Ն. Աղունցի
եզրակացությունը Մոկքը հանդիսացել է Աղձնիքի, իսկ Ռեհիմենեն՝ Մավդեքի
բաղկացուցիչ մասը, ուստի 298 թ. նրանք զիջվել էին պարսիկներին Աղձնիքի
և Մավդեքի կազմում¹²։ Մի կողմ թողնելով Ռեհիմենենի հարցը, որ անմիջա-
կանորեն չի առնչվում Մոկքի հետ, և նկատի ունենալով «Աշխարհացոյցի»
տվյալները, մենք մեծավաստակ հայագետի եզրակացությունը ընդունում
ենք կիսով չափ։ Ամենայն հավանականությամբ Մոկքը հանդիսացել է Աղ-
ձնիքի մաս, սակայն 298 թ. Մծրնի պայմանագրով այն չի անցել Հռոմին։
Մեր կարծիքով այդ եզրակացության օգտին վկայում է «Աշխարհացոյցի»
«հինգերորդ» Մոգք որ առ Ասորեստանեալ¹³ արտահայտությունը։ Պատմա-
կան աշխարհագրության մասնագետների և մասնավորապես ակադ. Ս. Տ.
Երեմյանի կողմից հիմնականում ճշտված են Մոկաց աշխարհի սահմաննե-
րը, որոնք մեծ առարկություններ չեն հարուցում։ Համաձայն այդ տեղագրու-
թյան Մոկքը զբաղեցնում էր Զերմ (ներկայումս՝ Բոհտանսու) գետի ավա-
զանի միջին մասը և գտնվում էր Մեծ Հայքի հարավային սահմանագլխից
չուրջ 70—80 կմ հյուսիս¹⁴։ Բնականաբար նման տեղագրությունը անհարիր
է դարձնում «Աշխարհացոյցի» վերոհիշյալ տեղեկությունը, ըստ որի Մոկքը
սահմանակից է եղել Ասորեստանին։ Հետևաբար պետք է ենթադրել, որ Մոկ-
քի վերաբերյալ աշխարհացոյցյան տեղեկությունը արդյունք է որոշակի քա-
ղաքական կացության, երբ մինչև Մոկք ընկած տարածքը նվաճվել էր Հայ-
կական թագավորությունից հարավային հարևանի՝ Պարսկաստանի կողմից և
միակցվել Ասորեստանի վարչական շրջանին։ Երբ կարող էր այդ վիճակը
ստեղծվել։ IV դարի քաղաքական կացությունը, որ մեզ քաջ հայտնի է
սկզբնաղբյուրներից, բացառում է դրա հնարավորությունը հիշյալ շրջանում։
Եղիշեի պատմությունը, որ արժեքավոր տեղեկություններ է պահպանել V
դարի վարչաքաղաքական կացության վերաբերյալ և արձանագրում է եր-
բեմանի Մեծ Հայքի թագավորության տարածքի հարավում մի շարք վարչա-
կան շրջաններ՝ Կորդուքը, Դասնը, Մավդեքը և Արզնարդյունը, որոնք չէին
մտնում Ասորեստանի վարչական շրջանի մեջ, նույնպես անհնարին է դարձ-

⁸ Н. Адонц. Армения в эпоху Юстиниана. СПб., 1908, с. 43.

⁹ Նույն տեղում, էջ 43.

¹⁰ Կ. Գյուտերբուք. Հռոմեական Հայաստան և հռոմեական սատրապությունները
Դ—Ձ դարերում. թարգմ. Մ. Նորշուանի. Վիեննա, 1914, էջ 7—8; Հ. Հյուբշման. Հին
Հայոց տեղվո անունները. թարգմ. Բ. Պիլեդիկճյան. Վիեննա, 1907, էջ 30—31; Н. Адонц.
Указ. соч., с. 43; Հ. Մանանդյան. Բնական տեսություն հայ ժողովրդի պատմության.
Բ, մաս Ա, Երևան, 1957, էջ 111, 177.

¹¹ Н. Адонц. Указ. соч., с. 43.

¹² Աշխարհացոյց Մովսեսի Խորենացու յաւելուածովը նախնաց. Վենետիկ, 1881, էջ 29.

¹³ Ս. Տ. Երեմյան. Մեծ Հայքի թագավորությունը IV դարում (298—385 թթ.),
քարտեզ, մասշտաբ 1:1250000, Երևան, 1979, Գ—5, Դ—5.

նում այդ վիճակի վերագրելը V դարին¹⁴, Իսկ այդպիսի կացութիւնն գոյութիւն է ունեցել III դարում, ինչպես ցույց է տալիս Մծբնի պայմանագրի քննութիւնը: Սասանյան Պարսկաստանը, ձգտելով իր քաղաքական սահմանները հասցնել մինչև Հայկական Տավրոսի ջրբաժան գիծը և տիրանալ Արքայական ճանապարհի Մեծ Հայքի տարածքով անցնող հատվածին, նվաճեց Անգեղտունը, Սոփքը, Աղձնիքը և Կորդուքը: «Աշխարհացոյցի» տվյալները ցույց են տալիս, որ Խոսրով II-ի սպանութիւնից առաջ Մավդեքը չի մտել Մեծ Հայքի թագավորութեան մեջ և նրա պետական սահմանը անցել է Տիգրիս գետով: Կորցնելով իր հարավային, կարևոր ռազմաստրատեգիական նշանակութիւն ունեցող երկրամասերը, Մեծ Հայքի թագավորութիւնն էլ, գտնվելով հանդերձ Սասանյան Պարսկաստանի քաղաքական ազդեցութեան ոլորտում, փորձել է իր համար ապահովել քիչ թե շատ հուսալի սահմաններ հարավում, իր ձեռքը վերցնելով կարևոր լեռնանցքների վերահսկողութիւնը: Մեծ Հայքի վարչական բաժանումը, որի համաձայն Հայկական Տավրոսի հարավային լանջերին գտնվող մի շարք գավառներ և ձորահովիտներ վարչականորեն մտնում էին Հայկական Տավրոսից հյուսիս գտնվող աշխարհների մեջ, ցույց է տալիս, որ հայոց արքունիքը բանակցութիւնների ժամանակ կարողացել է իր վերահսկողութեան ներքո պահել կարևոր լեռնանցքից դեպի հարավ ընկած գավառներն ու գավառակները: Աղձնիք աշխարհը, որ III դարում տարածվում էր մինչև Վասպուրականի հարավ-արևմտյան սահմանագիծը, կամ որ ավելի ճիշտ է՝ Տոսպք աշխարհի արևմտակողմը, ամբողջութեամբ Պարսկաստանին միացնելու դեպքում խիստ կթուլացներ Մեծ Հայքի թագավորութեան սահմանը Վանա լճի շրջանում, ուստի հայոց արքունիքը աշխատել է և կարողացել է իր վերահսկողութեան ներքո պահել նրա արևելյան հատվածը, որը և այդ քաղաքական ակտի հետևանքով ձևավորվել է որպես առանձին աշխարհ: Իհարկե, տեսականորեն կարելի է ենթադրել, որ Մոկքը կարող էր հանդիսանալ նաև Տոսպք-Վասպուրականի մաս, սակայն այդ դեպքում նրա որպես աշխարհի ձևավորումը հնարավոր կլիներ 363 թ. հետո, հանգամանք, որը հակասում է սկզբնաղբյուրների տեղեկութիւններին, որովհետև Ամիանոս Մարկելիկոսի վկայութիւնները խոսում են նրա 363 թ. առաջ որպես վարչական առանձին միավորի ձևավորման մասին¹⁵: «Աշխարհացոյցի» ընդարձակ խմբագրութեան մեջ Մոկքի մասին ասված է. «Ե. Աշխարհ Մոկք, յելից կան Աղձնեաց, ի լերինն Տորոս¹⁶: Ունի գաւառս ինն, զիշայր, (զմիւս իշայր)¹⁷, զիշուց գաւառն, զԱռվենէից ձոր, զՎիջաց¹⁸, զԱռանձնական Մոկաց գաւառն, յորում գետն Որբ, զԱրքայից գաւառ, զԱրգովտեաց ովիտ¹⁹, Ջերմաձոր, յորում գետն Մերմ²⁰, Ունի ի մըրրգաց զարշատ եւ մանրագոր. եւ ի գազանաց՝ ինձ գեղեցկախայտ»²¹: «Աշ-

14 Նդիշէի Վասն Վարդանայ եւ Հայոց պատերազմին, ի լոյս ածեալ ռազմատութեամբ ձեռագրաց աշխատութեամբ Ծ. Տէր-Մինասեան. Երևան, 1957, էջ 10:

15 Аммиан. Марцеллин, XXIII, 2. 5:

16 Ըստ երևույթին «Տորոս» գրութիւնը գրիչը սխալմամբ արտագրել է «Տորոս»:

17 «Աշխարհացոյցի» համառոտ խմբագրութիւնը Ա. Սուքրյանին իրավունք է տվել ավելացնելու «զմիւս իշայր» գավառը:

18 Ամենայն համանակաշրջանը «Աշխարհացոյց»-ի համառոտ խմբագրութիւնը պահպանել է «Միշա» ճիշտ ձևը, քանի որ Մոկքի տարածքում մինչև այսօր պահպանվել է Միշա դուրը:

19 Հանդիպում է նաև Արգաստովիտ, Ագաստեայ ովիտ, Զարդարեաց ովիտ և այլ ձևերով, որոնցից թերևս առավելութիւն պետք է տալ «Արգաստովիտ» գրութեանը:

20 Անկասկած դետի անունը Զերմ է և այն պահպանվել է գավառանվան մեջ. Զերմ գետը հիշատակվում է Պլինիոսի (Zerbis), բյուզանդական հեղինակների (Zirbas), արաբ պատմագիրների երկերում (Wadi az-Zarm): Տե՛ս Ս. Ս. Երեմյան. Հայաստանը ըստ «Աշխարհացոյց»-ի. Երևան, 1963, էջ 78:

21 Աշխարհացոյց Մովսեսի Խորենացու յաւելուածովք նախնեաց, էջ 32:

խարհացոյցի» համառոտ խմբագրութիւնը էապես չի տարբերվում ընդարձակից, բայց և այնպէս մենք ավելորդ չենք համարում մեջբերել այն. «Հինգերորդ՝ Մոկը յելից կալով Աղծնեաց. յամուրս Տաւրոս լերինն: Գաւառս ունի ինն. զԻշայր, զԻշայր միւս²² և զԻշոց²³ գաւառ, զԱռուենից ձոր, զՄիշա, զԱռանձնակ Մոկս, զԱրքայից գաւառ, զԱգաստեայ ուլիտ²⁴, զՋերմաձոր: Եւ ունի ի մրգոց արշակ²⁵ եւ մանրագոր եւ ի գազանաց ինձ²⁶ գեղեցկախայտու: Եւ²⁷ հաւուց՝ կաթաւս²⁸: Կարծում ենք, որ հաշվի առնելով «Աշխարհացոյցի» ձեռագրերի տվյալները, մենք կարող ենք վերականգնել Մոկքի նկարագրութիւնը հետեւյալ տեսքով. «Ե. Աշխարհ Մոկք. յելից կան Աղծնեաց, ի լերինն Տաւրոս: Ունի գաւառս ինն. զԻշայր, զՄիւս Իշայր, զԻշոց գաւառն, զԱռուենից ձոր, զՄիշա, զԱռանձնական Մոկաց գաւառն, յորում գետն Որբ, զԱրքայից գաւառ, զԱրգաստեաց ուլիտ, զՋերմաձոր, յորում գետն Ջերմ: Ունի ի մրգոց դահրշակ եւ զմանրագոր. եւ ի գազանաց զինձ գեղեցկախայտ եւ ի հաւուց՝ զկաթաւս: «Աշխարհացոյցի» լավագույն գիտականերից մեկը՝ Ս. Ս. Երեմյանը Մոկքի նկարագրութիւն մեջ կատարել է սրբագրութիւն. «զԱռանձնական Մոկաց գաւառն, յորում գետն Որբ, զԱրքայից գաւառ» արտահայտութիւնը վերածելով «զԱռանձնական Մոկաց գաւառն, [որ է] Արքայից գաւառ, յորում գետն Որբ», որի հետեւնքով Մոկքի գավառների թիվը կրճատվել է մեկով: Հեղինակը իր սրբագրութիւնը փորձում է հիմնավորել նրանով, որ իբր այս գավառը «արքունական» է եղել դեռեւս մ. թ. ա. IX—VIII դդ., երբ այն հուբուլդիա փոքրիկ թագավորութիւն կենտրոնն էր²⁹: Հազիվ թէ հիմնավոր կարելի է համարել այս տեսակետը, որովհետեւ հուբուլդիայի պէս փոքրիկ թագավորութիւնները Հայկական լեռնաշխարհում նշանակալից թիվ էին կազմում, սակայն նմանանուն գավառների ծագման պատճառ չեն դարձել: Այսուհանդերձ, քանի որ վերոհիշյալ սրբագրութիւն հետեւնքով հակասութիւն է առաջացել բնագրի «Ունի գաւառս ինն» արտահայտութիւն և թվարկված գավառների քանակի միջև, Ս. Ս. Երեմյանը բնագրում կատարել է երկրորդ փոփոխութիւնը՝ «Ունի գաւառս ինն» արտահայտութիւնը վերածելով «Ունի գաւառս ութ»-ի³⁰: Հպանցիկ քննութիւնն անգամ ցույց է տալիս, որ երկու սրբագրութիւնն էլ ոչնչով պատճառաբանված և հիմնավորված չեն: Հարկ է նշել, որ Մոկաց Առանձնական գավառը Արքայից գավառին նույնացնելուն խանգարում է այն հանգամանքը, որ բնագրում այդ գավառանունները իրարից բաժանվում են «յորում գետն Որբ» արտահայտութիւնով: Այնուհետեւ, մեր կարծիքով, Արքայից գավառի անունն անգամ խոսում է նրա արքունական տիրույթ լինելու օգտին, այն դեպքում, երբ Մոկաց Առանձնական գավառը կամ Առանձնակ Մոկքը հանդիսացել է Մոկաց իշխանութիւն կենտրոնական կամ իշխանանիստ գավառը, հետեւաբար նրանց նույնացումը խոցելի է, կամ որ ավելի ճիշտ է, անհնարին է նաև այլ տեսանկյուններից: Եվ վերջապէս ոչ մի իրավունք չունենք առանց ձեռագրային պատշաճ հիմնավորման գավառների քանակը 9-ից իջեցնելու 8-ի, քանի որ «Աշխարհացոյցի» ոչ մի ձեռագիր այդպիսի տեղեկութիւն չի պահպանել:

22 Հանդիպում է նաև «զմիւս Իշայր» ձևով:

23 Հանդիպում է նաև «Իշուց գաւառ» գրութիւն «Աշխարհացոյց»-ի համառոտ խմբագրութիւն ձեռագրերում:

24 Ըստ երևույթին ճիշտ ձևը եղել է «Արգաստեայ ուլիտ»:

25 Մրգի անունը հիշատակվում է նաև «հրշակ» և «գահրշակ» գրութիւնում:

26 Բացակայում է «զ» նախդիրը:

27 Բացակայում է «ի» նախդիրը:

28 Ա. Գ. Արրահամյան. Անանիա Շիրակացու մատենագրութիւնը. Երևան, 1944, էջ 340:

29 Ս. Ս. Երեմյան. Հայաստանը ըստ «Աշխարհացոյց»-ի, էջ 71:

30 Նույն տեղում, էջ 108:

Փորձենք այժմ տեղագրել Մուկաց աշխարհի գավառները, որ բավականին դժվարություն է ներկայացնում: Հասակ տեղագրություն ունեն նրանցից 3-րդ կամ յալագույն դեպքում՝ 4-րդ: Մուկ Առանձնակ գավառը գտնվել է Որբ կամ Մուկա գետի հովտում (այժմ՝ Մուկասու կամ Մուկուսու), որտեղ մինչև այժմ էլ գոյություն ունի Մուկաց նախարարության կենտրոն Մուկա (այժմ՝ Մուկուս) ավանը³¹: Ղ. Ինճիճյանը Առուանից ձոր գավառը տեղագրում էր Մուկսից հարավ-արևմուտք 6 ժամ հեռավորության վրա գտնվող ձորահովտում, որը կոչվում է Առվանից ձոր Առվանց գյուղի անունով³²: Այգ պատճառով նա Թովմա Արծրունու «...դարձեալ գայ (Գագիկ Արծրունին) ի գաւառն անուանեալն Երևարի, առնու եւ անդ զբերդն Պաղայ եւ զՓարհուաց. գայ ի ծոռն Առուանից, առնու եւ զայն եւս ամրոցն, եւ տիրէ գաւառացն»³³ տեղեկությունը համարում է վրիպակ³⁴: Այս տեսակետը հետագայում պաշտպանել են Ղ. Ալիշանը³⁵, Հ. Հյուրշմանը³⁶ և Լեոն³⁷: Մի որոշ ժամանակ այդ տեսակետը պաշտպանել է նաև Ս. Տ. Երեմյանը, որի հետևանքով գավառը նրա «Հայաստանը ըստ «Աշխարհացոյց»-ի» աշխատության քարտեզում տեղադրվել է նույն շրջանում³⁸: Սակայն, երբ արդեն քարտեզը հրատարակված էր, նա ճշտել է գավառի տեղագրությունը, որի համաձայն Առուանից ձորը գտնվել է Մուկի ծայր հյուսիս-արևմուտքում՝ Երևարք և Ռշտունիք գավառների միջև, Օրանսդարասի կոչվող ձորահովտում³⁹: Այս տեսակետը, որ մենք անվերապահորեն ընդունում ենք, հաստատվում է ոչ միայն Մուկի գավառների թվարկման աշխարհագրական հաջորդականությունով, այլև մասնագիտական տվյալներով: Բացի վերը բերված վկայությունից, դրա օգտին է խոսում նաև Թովմա Արծրունու մեկ այլ վկայությունը. «...իսկ նախ և կն Եմա Ժիրար ի գաւառն Ռշտունեաց եւ զգօրսն առխթեալ ի ձորն Առուանից, ի սահմանս Մուկաց. եւ անդ գտեալ զքնակիշն Ռշտունեաց, Թափառականս անկեալ յանողորմ եւ ի մարդախողող շանցն գիշակեաց»⁴⁰: Բնական է, որ Առուանից կամ Առուենից ձորը պետք է գտնվեր Ռշտունիքի և Երևարքի հարևանությամբ, իսկ այդ հնարավոր է միայն Օրանսդարասի կոչվող ձորահովտում, որը պահպանել է գավառի հին անունը: Մեր կարծիքով Առուանց գյուղը, որը պետք է հանդիսանար գավառի կենտրոնը, ժամանակի ընթացքում, մասնային համանակաժամանակ տեղական բարբառի ազդեցությամբ սկսել է արտասանվել Ավուանց (Աւուանց կամ Աւուանց), որն էլ ավելի ուշ վերածվել է Օրանցի, Օռանցի կամ Ուրանցի⁴¹, իսկ դրանից հետո էլ քրդական ազդեցության ներքո Օրանիսի կամ Օրանսի, որից էլ

31 Ղ. Ինճիճյան. Աշխարհագրություն չորից մասանց աշխարհի, մասն Առաջին, Ասիա, հատոր Ա, Հայաստան (այսուհետև նոր Հայաստան). Վենետիկ, 1806, էջ 160—162: Ղ. Ալիշան. Տեղագիր Հայոց Մեծաց. Վենետիկ, Ս. Ղազար, 1855, էջ 23, 54: Լեոն. Հայոց պատմություն. առաջին հատոր (Հին պատմություն), տե՛ս Լեոն, Երկերի ժողովածու հ. Ա, Երևան, 1966, էջ 154: Ս. Տ. Երեմյան. Հայաստանը ըստ «Աշխարհացոյց»-ի, էջ 71:

32 Ղ. Ինճիճյան. Նոր Հայաստան, էջ 162:

33 Պատմություն տան Արծրունեաց ի Թովմայ վարդապետ Արծրունու. Կոստանդնուպոլիս, 1852, էջ 314—315:

34 Ղ. Ինճիճյան. Ստորագրություն հին Հայաստանայց. Վենետիկ, 1822, էջ 134:

35 Ղ. Ալիշան. Տեղագիր Հայոց Մեծաց. էջ 23:

36 Հ. Հյուրշման. Նշվ. աշխ., էջ 307:

37 Լեոն. Հայոց պատմություն, հ. Ա, էջ 154:

38 Ս. Տ. Երեմյան. Հայաստանը ըստ «Աշխարհացոյց»-ի, քարտեզ: Հեղինակը սխալվում է, երբ Առվանից ձորի տեղագրությունը Առվանց գյուղի շրջանում վերագրում է Հ. Հյուրշմանին: Իրականում Հ. Հյուրշմանը նշում է, որ ինքն էլ հետեւել է Ղ. Ինճիճյանի տեղագրությանը:

39 Նույն տեղում, էջ 37—38:

40 Թովմա Արծրունի, էջ 142:

41 Գ. Տ. Երեմյան. Հայաստանը ըստ «Աշխարհացոյց»-ի, էջ 33:

առաջացել է ձորահովտի ուշ շրջանի Օրանսդարասի (նախահնդափոխական շրջանի ռուսական քարտեզներում և արդի մեծ մասշտաբի ռազմական քարտեզներում Оранс-дараси կամ Оранис-дараси) անվանումը:

Մեծ ճշտությամբ տեղագրվում է նաև Ջերմաձոր գավառը, շնայած արտահայտված իրարամերժ կարծիքներին: Ղ. Ալիշանը կարծում էր, որ այն համապատասխանում է Շատախին⁴², Հ. Հյուբշմանը, հենվելով Հարամանի և Հոֆմանի աշխատությունների, ինչպես նաև Վյունշի աշխարհացույցի վրա, ենթադրել է այն Ջերմ (այժմ Բոհտանսու) գետի հովտում, սկսյալ Շատախից մի փոքր արևմուտք: Ջերմաձորի տեղագրության համար կարևոր հենակետ է ծառայում այնտեղ հիշատակվող Ջոայլ կամ Ջոել բերդի դիրքը, որի ավերակները մինչև այսօր էլ պահպանվել են Ջոելկալասի անունով⁴³, Հաշվի առնելով այն հանգամանքը, որ Ջոայլ կամ Ջոել բերդը կլիմայական տեսակետից հանդիսացել է սահմանաբաժան Արևելյան Տիգրիսի բարեխառն և ջերմ բնակլիմայական պայմաններ ունեցող հատվածների միջև, որի հետևանքով ամրոցից արևմուտք սկսվում է ճոխ բուսականության գոտին, Հ. Հյուբշմանը Ջերմաձորը տեղագրել է Ջոել ամրոցից արևմուտք ընկած հատվածում⁴⁴, Ս. Ս. Երեմյանը ավելի է նյութականացրել նրա սահմանները՝ սկսելով այն Ջոայլ բերդի շրջանից և հասցնելով մինչև Ջերմ և Կեծան գետերի ջրկիցը⁴⁵, նման տեսակետը պայմանավորված է այն հանգամանքով, որ նա Աղձնիքի Երեսեթ և Կեթիկ գավառները փորձել է տեղագրել Կեծան (ներկայումս՝ սխալմամբ Մուկուսայ) գետի ավազանում: Այդ տեղագրությունները աշխարհագրական տեսակետից հավանական չեն, ուստի, հիշյալ գավառների ենթադրյալ տարածքները, ինչպես կհամոզվենք ստորև, պետք է մտնեն Մոկթի մեջ, որի հետևանքով Ջերմաձորի արևմտյան սահմանները պետք է ենթադրել Կեծանի և Ջերմի ջրկիցից շուրջ 20 կմ արևմուտք: Հարկ է նշել նաև, որ անհավանական է հեղինակի կողմից գավառի հյուսիսային սահմանը Ջերմ և Մոկս գետերի ջրկիցից հետո Ջերմ գետով անցկացնելը⁴⁶, Անկասկած է, որ գավառը պետք է զբաղեցնեն Ջերմ գետի⁴⁷ ավազանի և՛ հյուսիսային, և՛ հարավային հատվածները: Ջերմաձոր գավառը աղբյուրներում հիշատակվում է հաճախակի և այդ տեղեկությունները լուրի արարացնում են և հաստատում Հ. Հյուբշմանի և Ս. Ս. Երեմյանի տեղագրությունը: Թուվմա Արծրունին հայտնում է, որ նա «...խոյս տուեալ գնաց զկողմամբն Մոկաց, ի խոխոմս Տորոսական լեռինն, ի լեսուրս Ջերմաձորոյ, եւ բնակէ յամրոցին, որ այժմ Ջողայլ վասն անխեղեղ ամրութեանն գեղջկաբանեն»⁴⁸, Մեկ այլ կապակցությամբ նա գրում է, որ Վարդան Մամիկոնյանը «...էր. ամրացեալ ի Տորոսականն Ջոայլ»⁴⁹, Անշուշտ Ջոայլ ամրոցի և Ջերմաձորի կապակցությամբ հիշատակված Տորոսական լեռները սերտ աղնա-

42 Ղ. Ալիշան. Տեղագիր Հայոց մեծաց, էջ 23, 54:

43 Ռուսական 10-վերստանոց քարտեզ, III—82:

44 Հ. Հյուբշման. Նշվ. աշխ., էջ 199:

45 Ս. Ս. Երեմյան. Հայաստանը ըստ «Աշխարհացույց»-ի, էջ 78:

46 Նույն տեղում, տե՛ս քարտեզը: Տե՛ս նաև Ս. Ս. Երեմյան. Մեծ Հայքի թագավորությունը IV դարում (298—385 թթ.), քարտեզ, Գ, Դ—3:

47 Ջերմ գետը, որից իր անունն է ստացել Ջերմաձոր գավառը, հիշատակվում է «Աշխարհացույց»-ում, բյուզանդական և արաբական սկզբնաղբյուրներում: Այսպես՝ «Աշխարհացույց»-ում նրա անունը պահպանվել է Մերմ սխալ գրությամբ, Ագաթիասի մոտ այն կոչվում է. Ζήρμας (Agathias, 4, 29: Տե՛ս նաև Հ. Հյուբշման. Նշվ. աշխ., էջ 199), Ցակուտալ-Համապին այն կոչվում է Վազի ար-Ռազմ կամ Վադի աղ-Ջարմ (տե՛ս Արաբական աղբյուրները Հայաստանի և հարևան երկրների մասին, կազմեց Հ. Թ. Նալբանդյան. Երևան, 1965, էջ 69: Տե՛ս նաև Հ. Հյուբշման. Նշվ. աշխ., էջ 199):

48 Թուվմա Արծրունի, էջ 81—82:

49 Նույն տեղում, էջ 85:

ունեն «Աշխարհացոյցի» հետ: Թովմա Արծրունու մեկ այլ՝ «Եւ տուեալ Կագ-կայ վասպուրական իշխանի ղբերդն Ագարակայ, եւ զգաւառն Ճախուկ, առ-նու զրերդն Զոէլ, եւ զգաւառն կոչեցեալ Զերմաձոր, որ է մասն երկրին Մո-կաց, զի իցէ նորայն սմա մերձաւոր, եւ քորայն նմա յարակից»⁵⁰ և Մեսրոպ Լերսի «...ճեպով ընթացեալ (Մուշեղ Մամիկոնյան սպարապետը—Հ. Բ.) ընդ դաւառն Զերմաձորոյ, առ ոտս ամրոցացն Տմորից և բերդին Ալկոյ»⁵¹ տեղեկութիւնները քաջապէս հաստատում են Զերմաձորի տեղագրութիւնը: Ղ. Ինճիճյանի կարծիքով Զերմաձոր գավառը Դզերմադղու գրութեամբ հան-դիպում է Կոստանդին Միրանաժնի մոտ⁵², Իրականում Կոստանդին Միրա-նաժնի հիշատակում է Յերմացու բերդի մասին, որին տիրում էր կայսիկ Արուստայիմը՝ Ապոսելիմսը: «Ապոսելատայի և Ապոլեսֆուստի երրորդ եղ-րայր՝ Ապոսելիմիսը տիրում էր Յերմացու ամրոցին և նրա շրջակայքին. նա ևս հպատակութիւն հաւտեց հռոմեացիների կայսեր և, ինչպես իր եղբայր Ապոսելատոսն և իր երկրորդ եղբայր Ապոլեսֆուստը, հարկ էր վճարում»⁵³, Ալկոյի ուղ. Ղ. Ինճիճյանի կարծիքը պաշտպանել է Ե. Հոնիգմանը⁵⁴, սակայն Հ. Մարկիարտը, Մ. Կանարը և Ա. Տեր-Ղևոնդյանը իրավացիորեն ցույց են տվել, որ «Յերմացուն պետք է նույնացնել ոչ թէ Զերմաձորի, այլ Սերմացի հետ, որը Հարբի հյուսիս-արևմուտքում էր գտնվում»⁵⁵, քանի որ Զերմաձորը Լերբե շի գտնվել կայսիկների իշխանութեան ներքո, իսկ Կոս-տանդին Միրանաժնի հիշատակած պատմական իրադարձութիւններն էլ ծա-վալովում են Հարբում և նրան շրջակա գավառներում:

Ինչպես ճիշտ տեղագրում է Մ. Երեմյանը, Մոկաց Միջա գավառը գտնը-վել է Մոկաց Առանձնակ գավառից հարավ-արևմուտք, Մամոտանք կոչված շրջանում, որտեղ մինչև այսօր էլ պահպանվել է Միջա գլուղը⁵⁶:

Մյուս գավառների տեղագրութիւնը անորոշ է և ամեն մի ենթադրու-թիւն այդպես էլ չի հավակնի վերջնական լինելու, մինչև որ ի հայտ չգան նոր մատենագրական և տեղագրական նյութեր: Ղ. Ինճիճյանը, սկզբնաղ-բութիւնների պակաս զգալով, այդպես էլ չի փորձել տեղագրել մյուս գավառ-ները: Ղևոնդ Ալիշանը Իշայր, Մյուս Իշայր և Իշոց գավառները տեղագրել է Զրբզան, Սպարկերտ և Կարկառ գավառակների տեղում, Արթայից գավառը և Արգաստովիտը՝ Մոկրի և Շատախի միջև⁵⁷, Հ. Հյուբշմանը փորձել է բացա-հայտել Մոկրի նկարագրութեան աշխարհագրական օրինաչափութիւնները և

⁵⁰ Նույն տեղում, էջ 314: Առաջել Դավրիժեցու մոտ Զոնլը սխալմամբ հիշվում է Զոնկ ձևով (Պատմութիւն Առաջել վարդապետի Դավրիժեցոյ. Վաղարշապատ, 1896, էջ 418):

⁵¹ Ղ. Ալիշան. Հայապատում. Վենետիկ, 1901, էջ 136:

⁵² Ղ. Ինճիճյան. Ստորագրութիւն հին Հայաստանեայց, էջ 135:

⁵³ Կոստանդին Միրանաժնի.— Բյուզանդական աղբյուրներ, Բ. թարգմանութիւն բնագրից, ասորական և ծանոթագրութիւններ Հրաչ Բարթիկյանի. Երևան, 1970, էջ 11 (բնագրում Τζερματζου):

⁵⁴ E. Honigmann. Die Ostgrenze des Byzantinischen Reiches von 363 bis 1071 nach griechischen, arabischen, syrischen und armenischen Quellen. Bruxelles, 1935, p. 147, 197.

⁵⁵ J. Markwart. Sudarmenien und die Tigrisquellen nach griechischen und ara-bischen Geographen. Wien, 1930, S. 305; M. Canard. Les Hamdanides et l'Arme-nie, Annales de l'Inst. d'études Orient. Alger, 1949, VII, 51, p. 81. Ա. Տեր-Ղե-վոնդյան, Արալական ամիրայութիւնները Բագրատունյաց Հայաստանում. Երևան, 1965, էջ 144:

⁵⁶ Մ. Տ. Երեմյան. Հայաստանը ըստ «Աշխարհացոյց»-ի, էջ 70—71: Տե՛ս նաև Копия турецкой карты Анатолия, изданной в масштабе 1:200000 в 1330 году гиджры, т. е. в 1911—1912 годах, издано в военно-топографическом отделе штаба Кавказского военного округа в 1915 году, V—16 Ван.

⁵⁷ Ղ. Ալիշան. Տեղագիր Հայոց Մեծաց, էջ 23:

եկել այն եզրակացության, որ նկարագրությունը կատարվել է արևմուտքից դեպի արևելք, քանի որ իրար հաջորդում են Առուենից ձորը, Առանձնակ Մոկք և Ջերմաձոր գավառները և որ Ջերմաձորը Մոկաց ամենաարևելյան գավառն էր⁵⁸, Մոկքի բոլոր գավառները տեղագրելու փորձ մինչև այսօր կատարել է միայն Ս. Տ. Երեմյանը, որի կարծիքով իշայր գավառը համապատասխանել է Մոկսի և խիզանի միջև գտնվող Շնիձոր գավառակին, որտեղ միջին դարերում հայտնի էր Սուրբ Կանանց վանքը կամ Սուրբ Խաչ վանքը Կեցան գետի ձախ ափին⁵⁹, Մյուս իշայր գավառը համապատասխանել է խիզանին և ընդգրկել Կեցան գավառակի մեծ մասը⁶⁰, իշոց գավառը՝ Սպարկերտ գավառակին⁶¹, Արգաստովիտը՝ Արևելյան Տիգրիսի ձախափնյա վտակ, ներկայումս Կերկանգիլսու կոչվող գետակի ձորահովտին⁶², իսկ Արթայից գավառը, ինչպես վերը նշեցինք, նույնացվել է Մոկք Առանձնակին:

Մեր կարծիքով, Մոկքի գավառների նկարագրությունը կատարվել է հարավից հյուսիս և արևելք: Ի նկատի ունենալով այն հանգամանքը, որ Առուենից կամ Առուանից ձորը զբաղեցնում էր Մոկաց աշխարհի ծայր հյուսիս-արևմուտքը, պետք է ենթադրել, որ իշայր, Մյուս իշայր և իշոց գավառները գտնվում էին Կեցան գետի հովտում: Բնավ էլ վերջնական տեղագրության հավակնություն չունենալով, մենք կարծում ենք, որ իշայրի հավանական տեղագրությունը հնարավոր է Կեցան գետի աջափնյա վտակ, ներկայումս Հավկիսչայ կոչվող գետակի հովտում և Կեցան գետի նրան հանդիպակաց ձախափնյա հատվածում: Եթե այս տեղագրությունը մոտ է իրականին, ապա Մյուս իշայրը պետք է փնտրել նրանից հյուսիս՝ մինչև Առուենից ձոր ընկած հատվածում, խիզանի շրջանում: Ինչ վերաբերում է իշոց գավառին, ապա աշխարհագրական տեսակետից նրա միակ տեղագրությունը հնարավոր է Կեցան գետի ձախափնյակում, Աղաքիսի (հնում՝ Եղեգիս) և Սպարկերտի սարածքում: Հիշյալ գավառների թվարկումից հետո նկարագրությունը կրկին սկսվում է հարավում և շարունակվում դեպի հյուսիս ուղղությամբ: Միջա գավառին, որի տեղը հայտնի է, հաջորդում է նրանից հյուսիս-արևելք գտնվող Մոկք Առանձնակ գավառը Որբ կամ Մոկս գետի ձորահովտում: Կարծում ենք, որ Մոկաց Առանձնակ գավառով ավարտվում է հիշյալ աշխարհի երկրորդ շարքի թվարկումը, ուստի մնացած գավառները պետք է նույն սկզբունքով տեղագրվեն Մոկքի հարավային մասում: Եթե այդ օրինաչափությունը համապատասխանում է իրականությանը, ապա Արթայից գավառը պետք է փնտրել ոչ թե Մոկքի և Շատախի միջև, ինչպես կարծում է Ղ. Ալիշանը, այլ այն պետք է գտնվեր Արլ. Տիգրիսի կամ Ջերմի ավազանում՝ Ջերմաձոր գավառից արևմուտք ընկած հատվածում: Հավանաբար հեռավոր անցյալում նա մաս է կազմել Ջերմաձոր գավառի, սակայն արքունական տիրույթ լինելու հանգամանքը պատճառ է դարձել, որ նա անջատվի վերջինից և վերածվի ինքնուրույն գավառի: Անշուշտ չի բացառվում, որ արքունական կարող էր լինել նաև Ջերմաձոր գավառը: Այդ դեպքում Արթայից գավառի անջատումը, ամենայն հավանականությամբ III դարում, որոշանի ուղեմաստրատեգիական նպատակներ է հետապնդել: Աշխարհագրական տեսակետից միանգամայն ընդունելի է Ս. Տ. Երեմյանի կողմից կատարված Արգաստովիտ տեղագրությունը, հետևաբար ստացվում է, որ հարավային շարքում արևմուտքից արևելք և հյուսիս հաջորդականությամբ հիշատակվում են Արթայից գավառը, Արգաստովիտը և Ջերմաձորը:

58 Հ. Հարությունյան. նշվ. աշխ., էջ 200—201:

59 Ս. Տ. Երեմյան. Հայաստանը ըստ «Աշխարհացոյց»-ի, էջ 54:

60 Նույն տեղում, էջ 70:

61 Նույն տեղում, էջ 54:

62 Նույն տեղում, էջ 39:

Մոկքը խիստ լեռնային, անտառապատ աշխարհ է, որտեղ անգամ XX դարի սկզբին բնակչությունը շարունակում էր ապրել ինքնամփոփ կյանքով, որտեղ բնակները մեծ մասամբ տեղափոխում էին ոչ թե գրաստներով, այլ իրենք՝ բնակիչները: Հովհաննես Դրասխանակերտցու վկայությամբ, Մոկքը՝ «...խորափրտ և դժուարաժայռ և ամուր»⁶³ աշխարհ էր, որի լեռները ծործորաշատ էին⁶⁴: Ապարանից խաշի ճառում Մոկքը բնութագրվում է որպես «լեռնահովիտ և կարծրախարիսխ գաւառ...»⁶⁵: Խոսելով Մոկքի մասին, Թովմա Արծրունին նշում է, որ «...լեռինս բարձրաբերձս եւ փապարս անտառախիտս ունի երկիրն Մոկաց»⁶⁶:

Մոկքի վարչաքաղաքական պատմության ուսումնասիրությունը ցույց է տալիս, որ այն մտել է Մեծ Հայքի Երվանդունյաց և Արտաշեսյան թագավորությունների մեջ⁶⁷: Ինչպես վերը ցույց տվեցինք, այն մնաց Մեծ Հայքի թագավորության մեջ III դարում Հայոց թագավորության՝ Հագուտ Պարսկաստանի տարածքային կորուստներից հետո ևս: Հստ որում նրա վարչական ձևավորումը III դարում արդեն կատարվել էր: 363 թ. «ամոթալի հաշտությամբ» հռոմեացիները Մոկքը դիչեցին Սասանյան Պարսկաստանին, սակայն Պապ թագավորի գահակալության շրջանում հայոց բանակի մի շարք փայլուն հաղթանակները պարսիկների նկատմամբ ի չիք դարձրին հռոմեա-պարսկական հաշտության քաղաքական արդյունքները: Մեծ Հայքի թագավորության բաժանումից (387 թ.) և անկումից հետո (428 թ.) Մոկքը սկզբում անցավ Արեւելահայկական թագավորությանը, որտեղ թագավորում էր Խոսրով IV-ը, իսկ ավելի ուշ մաս կազմեց Հայկական կամ Արմնի մարզպանության:

Մոկաց նախարարության հանդես գալը Մովսես Խորենացին կապում է հայոց ավանդական Վաղարշակ թագավորի գործունեության հետ. «Իսկ զՄոկացին ի նոյն գաւառէ գտեալ այր, որ ունէր ընդ իւրեաւ սրիկայս բազումս՝ նախարարութիւն հաստատէ»⁶⁸: Ատ. Մալխասյանը, ինչպես ճիշտ ցույց է տվել Հ. Գ. Մելքոնյանը⁶⁹, սխալ հասկանալով Մովսես Խորենացու հիշյալ հաղորդումը, սույն հատվածը թարգմանել է. «Իսկ Մոկսում գտնելով նույն գավառից մի մարդ, որ ձեռքի տակ ուներ բազմաթիվ ավազակներ, հաստատում է նախարարություն»⁷⁰: Սակայն ուշադրության արժանի է այն փաստը, որ նա այնքան էլ վստահ չի եղել իր թարգմանության ճշտությանը, ուստի գրել է. «Սրիկա բառը բառարանները բացատրում են իբրև օսուր կրող, ավազակ, գող-ավազակ, դատարկապորտ»։ Այդպես էլ թարգմանում են.— էմին՝ «большое число разбойников», Ստեփանէ՝ «շատ սրիկաներ»։ Մենք էլ պահպանեցինք այս բառը, թեպետ և կասկածում ենք ճշտության վրա»⁷¹, Ստ. Մալխասյանի կասկածը բնավ էլ անհիմն չի եղել և Հ. Գ. Մելքոնյանը, հենվելով ասորերենի բառամթերքի վրա, ցույց է տվել, որ սրիկա-Srika նշանակում է «մերկ, դատարկ, պարզ, հոլանի, աղքատ», այսինքն

63 Թովհաննու կաթողիկոսի Դրասխանակերտեցոյ Պատմութիւն Հայոց. Թիֆլիս, 1912, էջ 293:

64 Նույն տեղում, էջ 270. «...ի ծործորս ամուր լեռանցն Մոկաց...»:

65 Գ. Ի ն ճ ի ճ յ ա ն. Ստորագրութիւն հին Հայաստանեայց, էջ 138:

66 Թովմա Արծրունի, էջ 314:

67 Հ. Հյուրմանը գտնում է, որ եթե Մոկքը Արտաշես I-ի օրոք չի մտել Մեծ Հայքի մեջ, ապա միացվել է Տիգրան Մեծի օրոք (տե՛ս նշվ. աշխ., էջ 84):

68 Մովսէսի Խորենացոյ Պատմութիւն Հայոց, աշխատութեամբ Մ. Արեղեան եւ Ս. Ցաւրովիւնեան. Տիֆլիս, 1913, էջ 116:

69 Հ. Գ. Մելքոնյան. Ադիարենի պետությունը և Հայաստանը. Երևան, 1980, էջ 142—143:

70 Մովսես Խորենացի. Պատմություն Հայոց, թարգմանությունը, ներածությունը և ծանոթագրություններն ակադեմիկոս Ստ. Մալխասյանցի, Երևան, 1963, էջ 140:

71 Մովսես Խորենացի. Պատմություն Հայոց. Երևան, 1940, ծան. 132, էջ 287:

«անգեն», հետևաբար Պատմահոր տեղեկությունը պետք է թարգմանել ներքոհիշյալ ձևով. «Մոկքում գտնելով նույն գավառից մի մարդ, որ ձեռքի տակ ուներ բազմաթիվ մերկեր (անգեններ), նշանակում է նախարար»⁷²; Հարկ է նշել, որ վաղուց ի վեր արմատացել է այն սխալ կարծիքը, որ Մոկաց աշխարհը ամբողջությամբ պատկանել է Մոկացի նախարարությանը⁷³; Սակայն ուշադիր քննությունը բացառում է ամբողջությամբ այդ տեսակետը, որովհետև Արքայից գավառը անկասկած չէր կարող պատկանել Մոկաց ժառանգատեր իշխաններին, իսկ Առուենից կամ Առուանից ձորը ամենայն հավանականությամբ պատկանել է Առավանյան նախարարությանը; Այլ խոսքով, տարածքային ընդգրկմամբ նրանք նույնական չէին: Եթե անգամ ընդունենք էլ, որ հետագայում Մոկքը ամբողջությամբ հայտնվեց Մոկաց իշխանների ձեռքում, ստիպված ենք արձանագրելու, որ սկզբնապես Մոկքի որոշ մասերը հանդիսանում էին արքունական կամ այլ նախարարության տիրույթների: Պատահական չէ, որ Ռշտունյաց և Մոկացի նախարարական ընտանիքները մարտադաշտ կարող էին դուրս բերել 1000-ական զինվոր, այն դեպքում, երբ Մոկք աշխարհի տարածքը մի քանի անգամ գերազանցում էր Ռշտունիքին: Եթե անգամ ընդունենք, որ Մոկքը շատ ավելի նոսր էր բնակեցված, քան Ռշտունիքը, այնուամենայնիվ նրա մեծ տարածքը ոչ միայն փոխհատուցում էր այդ պակասը, այլև հնարավորություն ընձեռում անհամեմատ ավելի մեծ ռազմաշրկատ դուրս բերելու: Ուստի այդ հանգամանքից ելնելով էլ Մոկքը ամբողջությամբ չէր կարող պատկանել Մոկացի նախարարությանը: Արդեն III դարի վերջին և IV դարի սկզբին Մոկքի իշխանները հանդիսանում էին Մեծ Հայքի թագավորության առավել նշանավոր նախարարներից: Ազաթանգեղոսը Հռոմ մեկնած Տրդատ Արշակունու թիկնախմբում ի թիվս Անգեղ-տան, Բագրատունյաց, Սյունյաց, Ռշտունյաց և այլ իշխանների, Աղձընյաց և Գուգարաց բղջիւնների հիշատակում է նաև Մոկաց իշխանին⁷⁴; Մոկաց իշխանը հիշատակվում է նաև քահանայապետ օծվելու նպատակով Կապադովկիայի Կեսարիա քաղաքը մեկնած Գրիգոր Լուսավորչի ուղեկիցների թվում⁷⁵:

Մեծ Հայքի թագավորության 387 թ. բաժանումից հետո, երբ հայկական մի շարք երկրամասեր պարսից արքունիքը անշատեց Մեծ Հայքի արևելյան մասից, վերածելով առանձին վարչական միավորների կամ կցելով հարևան վարչական շրջաններին, ասորական եկեղեցին, օգտվելով Սասանյանների որոշակի օժանդակությունից, աստիճանաբար իր ազդեցությունը տարածեց հարավային Հայաստանում, այսպես կոչված Անդրտիգրիսյան երկրամասերում: Թե որքան ուժեղ էր եկեղեցական այդ ներխուժումը, կարելի է եզրակացնել այն փաստից, որ ասորական եկեղեցուն հաջողվեց թեմ ստեղծել անգամ անմիջականորեն Արևելահայկական թագավորության մեջ վարչականորեն մտնող Մոկքում: Անշուշտ ասորական եկեղեցու հաստատվելը Մոկքում չէր բացառում հայոց եկեղեցու թեմի գոյությունը, սակայն Հայոց թագավորության մեջ վարչականորեն չմտնող երկրամասերում Հայոց եկեղեցին ստիպված էր համառ պայքարից հետո տեղի տալ պետական օժանդակություն վայելող ասորական եկեղեցուն: Հնարավոր է, որ Մոկքում ասորական եկեղեցու թեմի ստեղծումը զուտ պատմական իրադարձությունների

72 Հ. Գ. Մելիքոնյան. նշվ. աշխ., էջ 143:

73 Н. Адонц. Армения в эпоху Юстиниана, էջ 299: Տե՛ս նաև Բ. Հակոբյան. Գիտություններ VII դարի «Աշխարհացոյց»-ի մասին.— Երևանի համալսարանի «Գիտական աշխատություններ», հ. 43, Աշխարհագրական գիտ. սերիա, պրակ 1, Երևան, 1954, էջ 132: Ս. Տ. Ծրեմյան. Հայաստանը ըստ «Աշխարհացոյց»-ի, էջ 71: Խ. Հակոբյան. Հայաստանի պատմական աշխարհագրություն. Երևան, 1968, էջ 245 և այլն:

74 Ազաթանգեղայ Պատմութիւն Հայոց, աշխատութեամբ Գ. Տէր-Մկրտչեան եւ Ստ. Կանայեանց. Տիգրիս, 1909, էջ 460:

75 նույն տեղում, էջ 414:

քմահաճ ընթացքի արդյունք էր, 363 թ. «ամոթալի հաշտության» անմիջական արգասիք, սակայն փաստը մնում է փաստ, որ Մոկքում հայոց եկեղեցու եպիսկոպոսության կողքին գոյություն ունեւ նաև ասորականը:

IV դարում և V դարի սկզբներին սասանյան արքունիքը աշխատում էր ասորական եկեղեցին օգտագործել քաղաքական նկատառումներով, որպես հռոմեական, իսկ ավելի ուշ՝ բյուզանդական եկեղեցու հակակշիռ: Կամենալով գրեթե ինքնահոսի թողնված ասորական եկեղեցու գործունեությունը կանոնավորել, ինչպես նաև ուժեղացնել Տիգրանի եպիսկոպոսության կամ կաթողիկոսության դիրքերը ու այն ներառել պարսից արքունիքի վերահսկողության ներքո, պարսից Հաղկերտ I արքան թույլ տվեց Իսահակ կաթողիկոսին, որ նա ժողովի հրավիրի բոլոր թեմերի եպիսկոպոսներին⁷⁶, 410 թ. հունվարի 6-ին ասորական եկեղեցու 40 եպիսկոպոսներ հավաքվում են Տիգրանում, սակայն ինչ-ինչ պատճառներով ժողովը գումարվում է միայն փետրվարի 1-ին⁷⁷: Ժողովի արձանագրությունից պարզվում է, որ Տիգրանի կամ Արևելքի կաթողիկոսությունը բաժանվում էր 6 թեմի, ըստ որում թեմական բաժանումը չնչին բացառությամբ համապատասխանում էր Պարսկաստանի վարչաքաղաքական բաժանմանը⁷⁸: Ասորական եկեղեցու Մծբնի թեմը բաղկացած էր 5 եպիսկոպոսություններից, որոնք էին՝ Արզնը, Կարդուն, Բեյթ-Ձաբդեն, Բեյթ-Ռախիման և Բեյթ-Մոկսան⁷⁹, այսինքն Աղձնիքը, Կորդուքը, Մավդեքը, Ռեհիմենեն և Մոկքը: 410 թ. Սյունհոդոսի տակ ասորագրել է Բեյթ-Մոկսայի եպիսկոպոս Դանիելը (Bēd Moksāyē):

Մոկքը կամ նրա իշխանական տունը հիշատակվում են բազմիցս V դարի ազատագրական պատերազմների ժամանակ⁸⁰, Մինչև Հայաստանի 591 թ. բաժանումը Սասանյան Պարսկաստանի և Բյուզանդիայի միջև, Մոկքը մաս էր կազմում Հայկական մարզպանության Տանուտիրական գնդի վարչական շրջանի: Բաժանումից հետո հայկական հողերի մեծ մասն անցավ Բյուզանդիային, իսկ Սասանյաններին ենթակա Հայկական մարզպանությունը, որ նույնական էր Սեպհակյան կամ Վասպուրական գնդի երկրին, իր մեջ ներառում էր լուկ Վասպուրականը, Մոկքը, Պարսկահայքի և Կորճայքի որոշ հատվածներ և Դվին քաղաքն իր շրջակայքով⁸¹: Աստիճանաբար Վասպուրական աշխարհի գաղափարը մեռնում էր, իր տեղը զիջելով Վասպուրական = Հայկական մարզպանության գաղափարին⁸², որի հետևանքով արական աղբյուրներում արդեն Մոկքը համարվում է Վասպուրականի մաս:

Անդրադառնալով Մոկք տեղանվանը, գերմանացի հայագետ Հ. Հյուբերշմանը գրել է. «Թե Մոկք նաև երկրին բնակիչները կը ցուցնեն» (հմտ.

⁷⁶ J. B. Chabot. Synodicon Orientalum. Paris, 1902, p. 256.

⁷⁷ Հ. Գ. Մեկթոնյան. նշվ. աշխ., էջ 219:

⁷⁸ E. Honigmann. et A. Maricq. Recherches sur les Res Gestae Divi Saporis, 1953, p. 45: Տե՛ս նաև Հ. Գ. Մեկթոնյան, նշվ. աշխ., էջ 219:

⁷⁹ J. B. Chabot. Op. cit., p. 272:

⁸⁰ Եղիշե, էջ 28, 43, 116: Ղազար Փարպեցի, էջ 44, 45, 47, 52, 72, 126, 127:

⁸¹ Б. А. Арутюнян. Административное деление закавказских владений сасанидского Ирана согласно труду Елише.—Кавказ и Византия, вып. I, с. 19—35.

⁸² Բ. Հ. Հարությունյան. Մեծ Հայքի Վասպուրական աշխարհը ըստ «Աշխարհացոյցի».—Բեռնի Երևանի համալսարանի, 1983, № 3, էջ 137:

**ОБЛАСТЬ МОКК ВЕЛИКОЙ АРМЕНИИ ПО «АШХАРАЦУИЦУ»
(«АРМЯНСКОЙ ГЕОГРАФИИ»)**

Б. А. АРУТЮНЯН

Резюме

Среди ашхарфов (областей) Великой Армении Мокк занимает наименьшую территорию. В отличие от других ашхарфов он встречается в первоисточниках, начиная лишь с IV в. На основе «Ашхарнацуц» и других первоисточников делается попытка доказать, что ашхарнацуцовская область Мокк административно сложилась в III в., составляя до своего возникновения часть области Алдзник. Рассматриваются проблемы локализации гаваров Мокка, а также ряд вопросов, связанных с исторической географией области.

*83 L. L i:n t-p 7 p' w b. 67d. w7fu., t, 83-84.